

CIMELIA


Qu


5827

kat.komp.



Oprawiono w 1936 r.








42908


25

UR



Cinn. Gu. 5827.

1812. Jan.




GRATVLATIONES
IN REDITVM SERE
NISSIMI AC POTEN
TISSIMI PRINCIPISS
GISMVNDI III D G PO
LONIAE ET SVECIAE
REGIS MAGNIQ LIT
VANIAE DVCIS & C
& VICTORIS DE MO
SCHOVIA TRVMPHAN
TIS

A

Posnanie ex
Typographia

Valerio Montelupi de Ma
rij Philosophia studioso
in Colleg: Posna Socie: Iesu:

Ioannis Wol
rabi
A. MDCXI



SERENISSIMO
AC INVICTISSIMO MONAR
CHÆ SIGISMUNDO III D. G. POLO
NIÆ ET SVECIÆ REGI MAGNO DVCI
LITVANIAE &c. &c. &c.

Post recuperatam Scueriã expu-
gnatum Smolenscum, numerosis-
simasq; hostiũ copias fusas, fuga-
tas, deletas, victori triumphanti.

SALVTEM ET FELICITATEM.

Difficile est silere cum doleas, verè sanè M.
Tullius affirmavit Sigismunde Rex poten-
tissime: sed non loqui cum lætitiã gestas
multò difficillimum. Equidem si tantum vehemens
affectus præstare potest, ut elinguibus etiam vocem
executiat (quod Cræsi filio atq; Echedi Samio con-
stat accidisse) in tam inusitato omnium gaudio, quod

mutis penè, ac ipsis saxis sermonem queat extundere,
ego silentium mihi indicam? Neq; vereor, ne aliquis
me iuuenili temeritate ductum iudicet, qui tibi inui-
cte Rex opus leuidense, & ob, meam mediocritatem
exile, sola argumenti bonitate, quod in tuis virtuti-
bus prædicandis infantissimo alioqui nunquam defu-
tura sit oratio, laudabile obtrudam. Non certè fiducia
aut virium mearum, aut quòd aliquo loco sim apud te
Rex maxime id accidit: verùm quoniam in parentem
meum ac vniuersum penè nomen nostrum singula-
ris semper quædam tua beneuolentia exiit. Nam
(ut cætera taceam) iura nobilitatis nostræ, ab aliquot
Poloniæ Regibus olim familiæ Montelupiorum cõ-
municata, tu autoritate regia rata esse voluisti, eaq;
decretis tuis sanxisti, ac gentem nostram, ad eum quo
conspicua est splendorem euexisti, quin eximia gra-
tia, atq; egregia munificentia, supra spem & vota pro
sapiam nostram ornasti. Quare magnitudo benefici-
orum a me exigebat, ne in communi omnium ob-
tuam singularem felicitatem, & virtutem lætitiâ ego
tace,

racerem. Boni certè audaciam meam consules Sigismunde Rex, quod ultro mihi partes sumpserim tibi solutis & constrictioribus numeris gratulandi. Neq; enim mihi temperare potui, quin triumphantis & se efferentis lætitiæ meæ significationem aliquam apud tuam celsitudinem darem, tibiq; gaudens ac plaudens occurrerem. Cuius gaudij symbola, in manu, in calamo, & chartis prodere volui, non quòd triumphum tuum splendidissimum illustrare in animo haberẽ (quis enim Soli lumen commodare velit) sed ne in tanta omnium lætitiæ vnus omnino feriatus viderer. Grandius quidem & exquisitius molimen descriptio laudum tuarum postulat, quàm in efformandâ quondam Alexandri imagine requirebatur artificum industria; tamen cum hanc quantulamcunq; operam singularis in te observantia suscipere imperavit, accipies (ut spero) pro tuâ insitâ animo clementiâ Rex maxime hoc meum de te bene merèdi studium. Etsi enim in re tam graui ieiunitatis meæ non nescius, non sum assecutus quod volui, ut assequeretur tamen laudi mihi erit contenten.

tendisse. Tanta videlicet rerum a te toto hoc bien-
nio præclare gestarum magnitudo est, quantam nulla
Oratorum facundia, Poetarumq; in scribendo copia
dignè complecti possint. Floret tui decoris gloria,
florebitq; semper victor fortunatissime, quamuis de-
inceps Rhetorum xysti, Poetarumq; officinæ conti-
cescerent, vt proinde pennato curru Palladis minimè
indigeas, quo triumphi tui in altum euehantur, atq;
egregia tua facinora posteritatis memoriæ commen-
data auo perenni donentur. At enim licet ita se hæc
habeant futurum confido, vt labor hic meus Apolli-
naris, vades obsequiorum meorum fauentes oculos
tuæ amplitudinis mereatur, quandoquidem & bo-
narum artium studia, & eos qui tuæ laudi student,
cordi esse nemo ambigit. Neq; enim alia tibi mens
quam Cæsari Augusto, qui dum Memphiticæ vrbes,
& regna Canopi victor lustraret, non adeò ad Pha-
ron turrim sumptuosissimam, ad Mausolæa Regum
opulentissima, ad Serapidis templa amplissima, atq; ad
cætera orbis miracula inspicienda animum adiecit,
quàm

quàm ad Lycæa Musarum, in quibus viros doctrinâ
præstantes demirari, eorumq; scripta dictauè captare
consueuerat. Quamobrem cum Augustum Cæsarem
clementiâ, & rerû gestarum gloriâ exæques, abstrahe
illius exemplo paululum a grauioribus occupationib;
animum, ac breuem laudum tuarum in hoc opuscu-
lo contextum pellege, & post luculentiores aliorum
gratulationes, quas non noster hic modò Sarmaticus
orbis, verùm & vniuersæ Europæ nationes ad te mi-
serunt, ad hanc quæ tuo Augusto inscripta est no-
mini, post curas graues mentem paulispër traduc.
Vale flore q; Regum felicissime.

ORATIO.

Et tot tantisq; victorijs, quibus te regnante, & fines longe lateq; protulisse, & se ab hostibus innumeralibus vindicasse Poloniam videmus, Monarcha felicissime, Sigismunde Rex inclyte, hanc quam Smolensco armis recuperato, maximisq; hostium copijs profligatis reportasti, Reipublicæ in primis Polonæ: deinde bonis omnibus opatissimam, & gratissimam exitisse confiteamur necesse est. Cum enim omnes secundæ res; tum ex quibus de fortunis, imperio, dignitate, gloriaq; dimicatur, si è voto sit debellatum, hostisq; superbissimus de se illustrem victoriam præbuerit, ad communem lætitiā maximè valent. Maximum quippe fructum cepit Respublica Polona capto Smolensco, & vniuersa expeditione tuā, atq; commoratione Moschouiticā: fructum, inquam, multiplicem, & regni ampliati, quod per proditores maiorū nostrorum memoriā angustius aliquanto factum fuerat, ea portione, qua Ducatus Seueriensis continetur, in Moschi ditionem transeunte, & antiqui dedecoris è nomine gentis huius sublato, quod tam impune tot annis ademptam partem imperij nostri iniuriā tyrannus possideret: deniq; nouæ gloriæ, quæ maioris semen quoddam est, & principium: & veteris atque auitæ qua ciuib; qua exteris documentum. Quantum esset detrimentum passa Respublica portione illius alienatione, testis perpetua omnium ordinum tristitia, testes desideria, ac vota optantium, vt aliquando postliminio reuerteretur ad regnum Poloniæ; seu vltro cedente Moscho; quod nunquam sperandum videbatur: seu vi & armis cōacto, quod etiam difficillimum esse bellicosissimus

limus princeps re ipsa expertus est Stephanus Batoreus : qui summo conatu in hoc incubuerat, vt regno suo prouinciam illam vindicaret : & fortasse perfecisset, nisi Deuseam gloriam tibi Rex Sigismunde reseruasset. Quod si ille apud ciues eius regni maximam iniuit gratiam, quamuis quod voluit, vt voluit, & expediebat non perfecisset : quantā apud eorundem posteros in eas necesse est victor fortunatissime, qui caput eius belli confeceris, & maiorum victoriarum initium attuleris. Scio regem Persarum quempiam, ob vnus horæ vtilitatem, quam ex vmbra platani elegantis cepisset, eam torquibus & monilibus exornasse : additis & custodibus ne illa ornamenta à quoquam detraherentur : eam vero vtilitatem perpetuam, modò non obstant Superi, patriæ nostræ, tuis sudoribus atque periculis præstitam, quibus nos rex fortissime ornamentis, quibus gemmis, atq; margaritis compensabimus ? Iam nomen tuum auspiciatissimum per vniuersum regnum celebratur, & celebrabitur porò, quā diu grati animi in regni huius ciuibz semina aliquæ, & fibræ extabunt. Nec imperij tui modò finibus, sed vniuersi huius amplitudini clarum erit. Scient illud vicini Sclauī, Bohemi, Germani; scient remotiores Itali, Belgæ, Hispani : sciet Gallia, Persis, & non sat firmo fœdere amica Turcia. Deniq; orbis vniuersus sciet, & admirabitur, & prædicabit regem Sigismundum Tertium, quo suis olim à maioribz amissum Ducatum restitueret, non Duces suos, sed ipsum in expeditionem profectum esse, ac tam diu labores Martios tolerasse, donec vi munitionem hostilem, tantum non inexpugnabile irumpere. Atq; hinc non ideo tam diu pœnas à tyranno repetitas nō esse; quòd non inesset pectoribz Lechicis animus & spiritus Martius, omnes iudicabunt : sed quod partim alia negotia aliò auocarent principes ipsorum, ne hoc aut aggredierentur, aut post-

B

quam

quam aggressi essent perficerent : partim quòd cùm iam tantil-
lum abesset victoria à Polonorum partibus, repente inducijs res
transigi debuit, diuinitus, vt dixi te Sigismunde rex ea gloriâ
appetente. Cuius profectò ex hoc tam præclaro facinore quan-
tum augmentum sit, quantaq; facta accessio, & si nec dum vsu
rerum ob ætatem polleo : tamen peruideo ita hoc gloriosum esse
Polonis : quam si noua aut tota in manus nostras vltro venisset
Moschouia, aut hæc ipsa mox ad primum aduentum Polonorum
sub iugum tuum isset, atq; imperia se facturam spondisset. Fe-
licitatis eximiaz illud fuisset, si more gentis in verba tua solenni iu-
ramento adacti Moschi crucem exosculati fuissent, nullo ad id vi-
tæ fortunarumq; suarum discrimine adducti : verum multò hone-
stius vi, & armis animos perduelles edomuisse, fregisse contuma-
ciam, perrupisse munitiones, in arcem inuasisse, principes teme-
ritatis ac improbitatis (quanquam hic quoque clementissimus
fuiſti) in potestatem redactos multauisse. hoc scilicet honestius
& ad omnium seculorum memoriam gloriosius extitit. Memini
Alexandrum Macedonem diu multumq; laborasse non cum Ty-
rijs tantum : at secum etiam, & cum desperatione, cum Tyrum
expugnaret : sed ausim dicere, quantò superior fuerat apparatu
in eam rem idoneo, tantò inferiorem esse tuâ victoriâ. Vt enim
relinquam quod caput est causæ æquitatem, quæ ibi nulla erat :
hæc autem summa, illi pax domi, tibi ab infidis vicinis, atque ex-
teris hostibus suspecta omnia : illi non magis propriæ quam alie-
næ vitæ contemptio adfuit, tibi verò cura seruandorum ciuium, &
signa tua secutorum maior dixerim quàm vitæ propriæ. Quid?
quod non eadem nunc ratio armorum est, nec tam facilis ad mu-
ros aditus, quippe vbi & magno interuallo consistere periculo-
sum : nec vnus, sed multorum vno tonitru erumpente salus de-
plorata

plorata: illic vnius ciuitatis opes quantumuis amplæ, vnius ta-
men: at hęc regnum vastissimum oppugnandum, & sustinen-
dum erat. Et vt summatim omnia complectar tanta erant
hęc impedimenta: vt ea perumpere non humanis opus viri-
bus, sed diuinioribus quibusdam videretur. Impedimenta di-
co ab hoste insidiosissimo & potentissimo, quæ nisi tua, rex sa-
pientissime, prudentia, fortitudo, æquitas animi, amolita fuisset,
non iniuria Duces tui & primipili victoriam desperassent. Quan-
ta illa errant & quor, cum quibus tibi depugnandum erat? loco-
rum, vtpote in terra hostili magna iniquitas temporum, quip-
pe cælo frigidissimo summa iniuria: hostium armis suis fidenti-
um improba temeritas, temeraria irrisio, & amara conuictoriũ,
sed horribilior telorum fulminatio: vt cætera de hoc genere nõ
commemorem: omnia ista erant in te vnum coniecta: tuis ar-
mis, tuis humeris, tuâ fortitudine, sapientiâ, consilio: te ipso Rex
fortissime, opus erat ad ea frangenda, & expugnanda. Nemine
alio ductore biennalem illum dicam carcerem Lec hici alacres
spiritus tollerassent, nisi te omnia paratum experti prius vide-
rent, quàm obsidionem soluere. Mirabile tibi certamen erat, &
multiplex, vt eodem tempore, ancipiti distraherere conflictu, hinc
tela inimica, inde inconsulta domestica consilia, orantium abi-
res è castris, quò minore dedecore si quid accidisset, te absente,
spes potiundæ arcis deperiret, & victores tergis nostrorum haren-
tes in horas expectaremus. Itaque ibi simul inclementiam cæli
sustinuisti, squallorem ob loci incommoditatem passus es: vici-
sti asperas hijemes: malâ valetudine conflictatus non succubui-
sti: sæpius irritonisu aggressus rem, non despondisti animum,
tuorum metum spreuisti: addidisti quasi quasdam faces in pe-
ctora, vt denique obfirmarent ipsi quoque animos ad ea omnia

perpetuanda, quæ tu tantâ alacritate patereris. Vicisti castra tua prius, vt hostilia expugnares: & exigua iacturâ ciuium, virtute regiâ, ducente Deo, felici auspicio iuisti ad tantam irruptionem muro effracto, vrbis & hostium potitus es. Et erit aliquis è tuis ciuibus rex felicissime, qui hac victoriâ auditâ dubitare possit, quantum tu Reipublicæ huic præstiteris: cum exteras nationes quoque credibile sit admirari, te tantillis copijs tantas mutationes nullo prope tuorum detrimento, addo tantâ celeritate expugnare potuisse. Sat citò si sat bene, & non vsque adeò diuturna hæc obsidio vnus et dimidij anni: cum nostro quoque tuo fortissimis ac bellicosissimis, pariterq; instructissimis Hispanis singulas ciuitates singulis aut pluribus annis obsidere necesse fuerit. Verum tamen tantò gravior est victoria: quantò magis pro eâ certatum est: quantò & plures eam frustra comprehendere laborarunt, & cum spe vninersæ Moschouix capiendæ accidit. Equidem Sigismundus I, quo regnante Smolenscum prodicione Moschus occupauit, annis abhinc 97. circiter, tentauit si quo modo recuperaret amissa: sed nil præter sanguinè hostium quo à nostris cæsi abunde vastitates illas corporum insudère, lucrari potuit. Stephanus quoq; barbarum principem conatus adoriri, signis Polonorum in ipsius regnum vltro illatis, vt nostra restitueret: sed cum iam res prope in exitu esset, alij flauère venti, vt necessariò tum ob reuerentiam Summi Pontificis Gregorij XIII. qui se interposuerat, tum ob spem maioris boni publici nullo præiudicio commodi huius regni, prius ad portum redeundum esset, quàm destinatam prædam attigisset. Porro cum rem tantam, quantam sapientissimi & bellicosissimi reges totis viribus conari frustra fuerint, minimo sanguine militum, mini-

mo periculo atq; iacturâ exiguâ pecuniarum iam assecutus sis:
Rex felicissime, nostrum erit omnium deinceps qui ciues tui su-
mus cogitare: qua te veneratione colere, quibus grati animi obse-
quii, priuatim ac publicè demereri debeamus. Tuæ siquidem
virtutes regiæ, quibus tot annis regno huic te laudabilem præsti-
tisti: clementia, iustitia, modestia, sapientia, liberalitas, fortitu-
do, omnia summa: hæc inquam virtutes tuæ, & aliæ longè plures
quibus te domi in pace, foris in bello, in rebus turbulentis, & se-
cundis cōmendasti vniuersis, sed amor maximè in patriam, ita
meretur, vt te nusquam ex ore, ex oculis, ex animis & pectoribus
nostris dimittamus: & posteris nostris quàm commendatissimū,
ac prædicandum transmittamus. Hoc agere nos par est, si glo-
riæ nostræ fauere volumus, quæ iam pennis præpetibus regum
omnium, ac principum, inimicorum quoq; Polono nomini sum-
mo horum dolore, summâ illorum voluptate aures peruagata im-
pleuit & regna. Si enim quemadmodum patriæ: ita & gloriæ
inter ciues ac reges communicatio est: non exiguum nobis qua-
si auctarium celebritatis, & splendoris fortitudo inuicta Serenis-
simi Regis nostri addidit, quo apud omnes exultemus, sicut &
exultant qui inter externos degunt: qui vt sciant nos non esse cer-
uos in acie, tamen id quoq; sciunt nisi leone duce non posse vin-
cere. Magna nobis causa lætitiæ, magna gaudij materia, re-
ge saluo, & incolumi recepto: quem ægrè à se dimisit patria, &
identidem absentem desiderabat: at verò longè maxima tantis
ornato laudibus, tantis in Rempublicam fecundo meritis: tan-
tâ laboribus eius ad vectigalia, ad pacem, ad gloriam, adq; co-
rum omnium subsidia & ornamenta accessione factâ.

PANE.

PANEGYRICA. VESTIS TRIUMPHALIS DESCRIPTIO.

PHæbe, recurrenti qui voluis sæcula motu;
Prome diem meliore coma, vultuq; nitente
Insolito totum collustra lumine mundum.
Faustior annus eat, lætiq; ex ordine menses
Prospera felici sumant exordia cursu.
Cælicolæ pleno accumulanti iam nostra favore
Gaudia, successusq; novos successibus addunt.
Cum Sismundus adest, aderat qui mentibus olim,
Spe maior, famâ melior, complectere dextram,
Sub iuga quæ victos hostes tua Sarmata misit.
Hic ille est rigidis felix bellator in armis,
Defensor patriæ, Regum præclarior ausis,
Quos verus excelsis attollit gloria rebus.
Moschiadûm populatus agros, & pulvere Martis
Respergi, & grauib; solitus non cedere nimbis.

Quin

Quin etiam tolerare æstum, Boreæq; furentis
Ferre minas, vigil in somnes producere noctes,
Arctoas durare hiemes, dulciq; subire
Pro patriâ est ausus sexcenta pericula mortis.
O quascunq; potes deprome Polonia laudes,
Quanta cuiq; disertiloquæ facundia linguæ
Ingenijs pollet, victorem personet ore.
Sarmata quod flores, quod totum peruolat orbem
Fama tuæ virtutis, habes quod numine amico,
Per tot detinuit quæ Moschus lustra superbus.
(Longum cuncta loqui) Sismundi vindicat omne
Id sibi cura grauis, labor Herculeusq; Monarchæ.
O felix seruata vocat quem Lechia patrem,
O patriæ communis amor, Sismunde, subacta
Quem positis Regem veneratur Moschia telis.
Cernis vt vnanimi te Sarmatis ora saluret
Consensu? quantus consurgat in æthera clamor?
Et quantum lætetur eques, plaudatq; senator?
Vna velut te Rex cunctis in manibus Echo
Intonat, insolito replentur compita plausu.

Quin

Quin & victrices edunt noua signa cehortes
Lætitia, dum partitis hinc inde cateruis,
In varios docto discurrunt ordine gyros,
Victoriq; cateruatim præana canentes,
Festiuo ingeminant resonantia gaudia cantu.
Agmine tu medio procerum incedente caterua,
Spumanti portaris equo, quem plurimus auri
Ambit honos, ornant & sericae phippia tergum.
Ipse Æthon equitem cum te conspexit ab astris,
Rex Sismunde, tuo voluit parere lupato.
Nam velut Oceani cum sol caput extulit vndis
Resplendes Moschum victor, patriæq; lucerna,
Oris honore grauis, celsi emicat indice vultu
Maiestas animi, & roto de corpore virtus.
Quisq; tui vultus studet inspectare decorem,
Siue humili fuerit plebis de stirpe profectus;
Seu vetus excelsio deducat stemmate nomen.
Plurima se obijcient tanto spectanda triumpho:
Nempe catenata Moschi ceruice gerentes
Vincula, & exuia prostrato ex hoste relata;

Sed

Sed magis in te vno præstabit figere visum.
 Namq; triumphalis magnum tibi vestis honorem
 Addet, quam varijs docta exornando figuris
 Artificum pinxit manus, ac mirabile textum
 Efformauit acu, pretiosaq; fila smaragdis
 Duxit, & acta Ducum, pugnataq; in ordine bella
 Effinxit, partos quin teregnante triumphos,
 Lydia textilibus formis variauit Arachne.
 Primùm acies binas contra se stare, duosq;
 Fæmina depinxit Reges discorde senatu
 Pro regni oblatâ secum certare coronâ,
 Austriaco tamen hanc optanti Astræa negauit,
 Sed Sismunde tibi Superùm dedit illa fauore.
 Nec procul hinc vires Orientis, & agmina secum
 Berlebeccus agit spissis horrentia telis,
 Cuius in aduentu dubijs Moldauia rebus
 Territa, Sismundo fortes à Rege manûplos
 Deposcit; sæuo qui se tueantur ab hoste:
 At postquam inuictas persensit Turca phalanges
 Lechiadûm aduentare, retro fugientia vertit

Victoria
 Sereniss.
 Regis Si-
 gism. III.
 numeran-
 tur

I. & II.
 victoria.

Turca-
 rum in-
 gens e-
 xercitus
 terrore
 Poloni
 nominis
 e Vala-
 chia pro-
 fugit

C

Signa

Sed

Tartaro
rum mul-
ta; millia
Duce Za-
moiscio
fugantur.

Hungaro-
rum ali-
quot mil-
lia profu-
gantur,
& Dux e-
orum Ro-
zuan in-
palum a-
gitur

Recen-
sentur ar-
ces & vr-
bes; recu-
perata au-
tipicis Si-
gism: III
Regis

Insignis
clades Su-
dermanni-
corum ad
Kirehfol-
mum in
qua

15000.
exsa sunt
e Caroli
Suder: e-
xercitu.
Duce
Chorkie-
uicio

Signa, nec ausus erat dubio se credere Marti
Quin etiam Sario Duce agemata multa Scytharū
Maētantur ferro, vastos dispersa per agros,
Stagnat ab effuso tellus repleta cruore.
Ponē hāc Pannonias fulgenti veste cohortes
Armīs Lechiadūm victas, vnaq; videres
Illic Rozuanum (Valachis hoc nempe Stratego
Visillata fuit) transfixumst ipite obusto:
Ille vomnes calidum rupto de pectore flumen
Largifluo totum respersit sanguine lignum.
Parte aliā effictas arces, vrbesq; tueri
Fas erit, infestis quas Chotkieuicius armis,
Atq; potens bello Succis Zamoiscūs ademit,
Felinum, lapidisq; albi de nomine dictam
Vrbem, Kyrcholmum, Dinemundamq; præaltam,
Et Kokenhausum, Derpatum, Volmariamq;,
Pernauiamq; simul, Vendam, Reūlumq; Rigamq;.
Has circa Sueonum numero licet agmina plura
Milicis inuictā occumbunt virtute Poloni.
Nil dolus hostilis, nil flumina, nilq; paludes

Ob.

Obstant cænosa, demissa cadauera letho,
Vorticibus lentis insistere flumina cogunt.
Discutitur vis vi, nec quamuis sæpè rebellis
Contrahat in bellum peditumq;, equitūq; cateruas
Carolus, innatā quidquam virtute remittunt
Lechiadē, toties versis referuntur habenis
Hostes depulsi, victrix Astræa triumphat.
Sæpius hos inter fugit indignatus ad æquor
Ipse Sudermanus, pleno sub pectore fluctus
Irarum voluens, quod semper victus arenā
Cedat, quodq; suos nunquam fortuna secundet
Ausus, dum contra Regem mouet arma Polonum.
Nec longo hinc spatio ductu triculēta Michaili
Gens fidei Græcæ, Diuosq; hominesq; lacelsit,
Cui se Lechiadūm opponit delecta iuuentus,
Fidere quæ pedibus non sueta fugacibus, hosti
Nunquam (sit quamuis numerosus) cedere nouit.
Nec deerat virtus illi certamine tanto;
Nam genti Sismunde rux victoria celsit.
Non sic terrori est ouibus fera turba leonum;

Multa
simul vi-
toriz de
Suecis
hic refe-
runtur.

Numero
sus Mi-
chaelis e-
xercitus
Duce Za-
moscio a
Polonis
profliga-
tus

50000.
militum
eduxerat
in aciem
Michael

Millia ceu fuerant ter quinque; Polona tyranno,

Præstantes quinquaginta simul ere catervas

Ille licet strictis concurrere iusserit armis.

Magno tum laudis Mars inflammarat amore

Lechiadas, pugnae cupidi dum præpete cursu

Per valles, per aquas, per dumosa inuia sylva

Currebant, o quot prostrata ferocibus armis,

Cernere erat campis vincente cadauera Lecho.

Quippe velut segetem medio falx demetit æstu:

Obuia sic miles Regis stricto ense secabat.

Hæc inter Michael soluit pro crimine penas:

Nam cum Lechiaci ambiuit moderamina sceptri

Flectere, lechiferam dissectus membra bipenni est.

Hic Naleuaiconem quo non immanior alter

Prædo fuit, multis præstans cum milibus heros

Inuictis circumcinxit Zolkieuius armis.

Nec sufferre diu potuit vim oppressa Stratego

Colluies, nam (sic Polemarcho urgente) necados

Cum Duce primores bis sex ex agmine toto

Tradiderat Lechis certamen inire paratis.

In

Naleua
ico cum
fortissi-
mo exer-
citu Ko-
sacorum
supera-
tur Du-
ce Zol-
kieulo.

In mediâ fuerat Sismundus cyclade pictus,
Hunc indignanti similem, similemq; minanti
Aspiceres; quòd adhuc arcem retinere Smolenscū
Auderet Moschus, quam caput fraudibus olim.
Sed cum verba Notis toties iactata darentur;
Ad vim Lechiacæ seram venêre cohortes.
Hostibus exitium struitur, tot ubiq; Meandri,
Et Labirinthæi fiunt tellurè recessus
Egestâ, vnde queat temerari firma cunâclis
Ars tacitis, consurgit opus, nec segniùs instant
Hoplomachi Regis, postquam quassata globorū
Ictibus assiduis aditum præbere videntur
Mænia, sed stantes obstant in turribus altis
Ultima quæq; hostes tolerare perîcla parati.
Quin etiam in paucos ter millia dena Polonos
Moschorum Suiski ducit, quibus agmina iunxit
Non rapta à stivis, sed viuida pectora bello;
Germanos, Batauosq; Niderlandosq; feroces;
Qui demptis Moschis numero maiore phalanges
Vincebant Regis, verum non robore & armis.

Ergo

Obide-
tur Smo-
lenscum

Nobilis
victoria
Polono-
rum de
Moschis

46000

pariter va

tionis mi-
litum Du-
ce Zol-
kieuio in
Moscho-
uia ma-
gno præ-
lio vin-
cuntur.

Ergo inter sese magnâ vi prælia miscent,
Pars gladio, stringunt, pars longo hastilia ferro
Pectoribus condunt morientum, ferreus imber
Proxime in terram, cælum subtexitur umbrâ,
Horrescit seges hastarum, frameisq; coruscis
Terra renidescit, tot utrinq; cadauera passim
Sternuntur dubio euentu, mixtiq; virorum
Corporibus voluuntur equi, pugna aspera surgit,
Principio externus virtuti fortiter obstat
Lechiadum miles, dum hastis miro ordine contos
Obijcit, & longos frameis breuioribus enses.
Scilicet hostica gens cedi quam cedere mauult.
Quatuor ancipiti pugnatum est Marte per horas.
Nam ceu discordes alternis fluctibus vndam,
Concutiunt ventiluctamine & æquora turbant:
Non secus hostiles acies, aciesq; Polonæ,
Concurrunt, hæret pede pes, densusq; viro vir,
Donec Sarmaticus perfregit acinace miles
Contorum syluam. demum fugientia vertunt
Terga hostes, quæ Suiski Dux adiungitur ipse

Et

Et Pontus, (Sueonum assuetus ductare cohortes.)
 Infelix qui ter captus, totiesq; solutus
 Vinculis, sic Sismunde tibi benefacta rependit.
 Ergo catervatim simul è certamine Moschi
 Proripiunt sese, victoria clarior unquam
 Vix fuit hac Lechis, post victū Marte Michailū.
 Hic & Troiæ instar fumantia recta videre
 Moschorum dabitur, ruit alto à culmine diues
 Vrbs cum flamma volat, inanibusq; volatile ferrū
 Spargitur, immissusq; furit Vulcanus in arcem.
 Atq; hinc in medijs dant pœnas ignibus hostes
 Perfidia, varijs distracti pectora curis.
 Lymphatis multi similes restinguere flammās
 Ultrices tentant, alijs furor arma ministrat;
 Contra victores, sed nūl rationis in armis.
 Diffusus velut latebroso flumine torrens
 Vastat agros, vastat sylvas, hominumq; labores:
 Ignea tempestas ita totam proterit urbem,
 Inuictus gressum nam fert quacunq; Polonus;
 Fulminis in morem prosternit densa virorum

Metros
 polsMo
 schouit
 exuritur

Cedet
 perfido,
 rum ho.
 sium

Agmi-

Agmina, sanguinei quorum de corpore manant
 Riui, grande nefas cladem hanc inuexit in hostes.
 Hic quoq; dum Phēbe nigricantibus humida bigis
 Noctiuago celsum curru pulsabat Olympum.
 Cernitur armifonas Rex ipse armare phalanges,
 Et tacito gressu armatos submittere in arcem
 Lechiadas, illi incumbunt, præsentia Regis
 Urget Sismundi, pars forti menibus altis
 Apponit scalas ausu, pars altera vallum
 Perrumpit, concussa aditum olim namq; dederunt
 Mænia, pars demum portis hostilibus instat.
 Arx capitur tandem per amica silentia lunæ,
 Incassum Moschi certant defendere muros,
 Fit via vi, rabidosq; furor desquit in hostes,
 Sarmata confertos quoscunq; in prælia vidit
 E latebris prodire suis, inuectus in arcem
 Victor equo donec cædi Rex parcere iussit.
 Extrahitur tenebris sacro decoratus amictu
 Sergius antistes trepidantia pallidus ora,
 Quem post antepedes Regis procūbit humi trux

Oppu-
 gnatur
 vitimo
 arx Smo
 lentem-

Expu-
 gnatur
 tandem.


Sci.

Sêinus, adhuc oculis emittens penè furorem.
Hunc iuxta Corfacus erat, maturior annis,
Munere at inferior belli pacisq; Scino.
Talia per chlamydem Regis monochromate pulchro
Artificum manus expressit, Babylonide in ora.
Hæc Sismunde tuæ laudis monumenta fuerunt.
Interea victor multis exercite curis,
Quæsitæ tandem corpus concede quieti,
Lechia Nestoreæ ætatis tibi scēla precatur,
Plena lacescito redijt vindicta Polono,
Nec tibi iam quidquā vltterius, Sismunde, relictum est,
Quò virtus animo crescat, vel splendor honoris.
Virtutem terris æquasti, nomen Olympo,
Omnia debellas armis, nullusq; capeffit
Arma tuas hostis cōtra vnquā impune phalangēs,
Mosch⁹ id, & Valachus, Scytha, Succus, Turca potēsq;
Agnoscit, quamuis simul et mirâ arte timorem.
In tua millenas aptat præconia voces
Iam gens, inuictis Christo quæ militat armis.
Accumulant Lithaui laudes, quòd rura tyranno.

D

Libe.

Libera possideant, nil iam fatale timentes.
Neglectosq; iterum subigant in cote ligones.
Iam te Rege vetus Lechi efflorescere regnum
Incipit, & magno firmari robore belli.
Et quæ sub primis amisit Regibus olim
Lechia, tu rursus gentis sub iura Polonæ
Restituis, patriamq; nouis ditionibus auge.
Te Superi cingunt semper concordibus vnum,
Auxilijs, ô Rex, dum vis inimica labascit,
Insidiæq; patent, fraudes reteguntur, in ipsos
Atq; hostes recidit tibi quam struxere ruinam.
Ne fidei antiquæ vindex, iustissime legum
Arbiter, opratæ pacis fidelissime custos,
Optime ductorum ductor, fortissime Regum,
Post tot ab hoste reportatos, Sismunde, triumphos,
Ibis in annales & transmittêris in æuum.



TALIA

T A L I A
V I C T O R I D E B E N T V R
P R Æ M I A H O N O R I S.

Huc lumina flecte prius

Sic utum illud est, rem alterius iniquè rapere, virtuti laudem qui negat. Hæc ut tibi, Sigismunde Rex integra maneat semper, palàm, liberè, ingenuè, animo, scriptisq; attestor. Ire siquidem in laudes tuas gloriosum est, parva recognoscere decora, incundum. Ornauit suos Cæsares, & Alexandros vitæ quidem prodiga, at auara laudis antiquitas, tu horum instar es, inclyte Rex, tuæ Poloniæ. Nec se (ceu spero) post tot victorias vlla nubes inuidiæ supra maiestatem tuam expandet ampliùs, cū tantus ardor animorū tibi patriæq; benè volentiū materiem cosūpturus cernitur. Porro cum secūde fortune simulq; aduersæ fiat⁹ perferre scias, hos tibi arcus cum triumphalibus colossis pono, a quib⁹ vtriusq; sortis iacula demū retūdantur, quiq; tuæ virtutis extēt monumentū perēne.

PORTA
TRIUMPHALIS.
PROCEDE, PROSPERE, ET REGNA.

Ingreditor Craci victor trabeate penates,

Te veniente sonet plausus io, ter io,
Victricem palmam victor ab hoste refers,
Dicat io populus latus io, ter io.

Ditibus exuijs
Bellona
Faustas

Præcat cæterua
Victoris axes
Bello subacta,
Delectus omni
Ex classe ciuis
Reboet tremendo
Sclopeto, & ara
Tonent Quirini
Vomencia ignem,
Creberq; in auras
Prorumpat ardor



Martis alumna rotas
Venustet
Regis.

Paena miles
Latum triumphas
Canat, reuinctus
Victrice lauro
Tempora, graduq;
Lentum coruscis
Onustus armis
Ferat. plicentur
Vexilla in orbem,
Lituum & canore
Tremiscat æther.

Inuicte Martis Atlas
Columen, salus, Asylū
Pietatis, hoc honore
Vir^o te inaugurauit,
Sismūde Rex, togaq;
Belloq; clariorem.

Procede gloriofus
Ex hostium trophæis.
Fauent tuis beati
Sceptris poli Quirites,
Ipsumq; nomen ausus,
Secundas vniuersos

Sigismundo III. D. G. Regi P. & Sueciae M. D. L. &c. &c. &c. Mo-
scouiaq; domitori patriæ ampliatori, triumphanti ex hostibus Merro-

polis Polontæ CRACOVIA arcum triumphis dignum dicant

ARCUS TRIUMPHALIS.

Nitentis auri
Ramenta sumptuoso
Non mihi consue sternere fas est,
Nec ophitinas qua victor ibis splendidus
Curru triumphali columnas ponere.
Vanus hic est labor & populo venalis inert.


Me Phabo, Musisq; sacrum. Ingēs panditur arca
Barbico iuuat tuas Nam Phabeis ausis
Pangere laudes, Ad faciles modos
Atq; triumphum, VLTTRA ANNISO. Tendere plectra
Quē pie princeps LIS VIAS. Fas mihi per te
Hoste reportas. Victor erit Rex.

Prælustre gentis
Decus Polonæ
Sismunde, Moschis
Vicis triumphæ.
Iam nunc volantum
Aulis suprema
Quæ tollis alas
Propinqua lunæ.
Qua sol resurgis
Caditq; nomen
Victoris effert.
Noscat Bismus,
Et ora Thules.
Trophæa Regis
Opus est Poloni.



Hic Dædalæus
In astra pennis
Vetus, per omnes
Extendet oras
Famam, togæq;
Sagorū clarus.
Pennata virtus
Illum supernis
Cæli Monarchis
Adiunget olim,
Carnis soluta
Cum mole fessos
Deponet artus.
Vrba vitenti
Laude ætterna.

Hunc tu delicia patris,
Et spes unica Lechie
Wladislæ refer bono
Dignis principem morib;
Et virtutes imitabili.
Cernis re genitor tuus
Rex, p laude paciscitur




Vitæ, & mille pericula,
Pro dulci patriâ subit.
Tanti parentis amulus
Quo nunc vides euntem
Hoc calle ad astra cæda
Et tu decus perenne (s
Post busta consequeris.

VICTORIS TOTU CLARESCIT NOVEN IN CREB.

Quid
Spiris
Horridus
Draco tuam
Sismunde contra
Temerario ausu,
Insurgit aquilam, satis
Iã Lechici hactenus bibit
Sanguinis, ades ferocis
Qui proteras Tyrinhi instar.
Vt caput indomitum draconis,
Non pullulabit victa semel fera.
Lechis exitium non iterum feret.
Rediit quod si cornua attollat cerastes
Moschicus. hoc semper Rege $\sigma\gamma\iota\alpha\mu\text{Bov.}$ ages
Præstite, Moschoruꝝ, premes fera colla Polone
Innata fraus, vel ipsum Vlyssen docta fallere
Gentis, oberit nil Lechicis armis Superũ fauore.

ANTISTROPHE.



Quos
Lechis
Fortibus
Dolos struit
Leponus atrox:
Recidunt in ipsum
Sensere cunei hostium,
Quam nullavis resistere,
Numine fauente Regis
Potest Sigismundi cateruis.
Myriades licet hostis audax
Multas obarmet, Xerxis ut agmina
Fusæ terga dabunt, Lechiadum manu
Superi penes quem cælites stabunt Monarchæ,
Huius nec Briareus, centimanusq; Gyges
Inuictas unquam possunt infringere vires.
Securus esto Rex, metu Sismunde, numinis
Auxilia summi præsto semper sunt tibi præliati.

EPODOS.

CLassica sonent, ceteros & licui canoro
Bellifono reboent, v&dxilla rotentur in orbem,
Colluceantq; compitis in omnibus micantes
Flamme. Victori Martia & era con&er.

Angiporra, via, mania, porticus,
Dent signa fas est letitia noua:

Omnis ac in pelago oculatur

Luctus, victo n& hoste triumphat

Rex, c&acib' permista plectra

AEra maonij's serenum

Demulce&at, magni per o&nes

Oras victoris volites

Nomen, Sarmacis ora


Tu pra cunctis opta

Cumule&et trophea re

Rex Sismundus

Inclycus,

Princeps



P O M P Æ
T R I V M P H A L I S
F V T V R A E

D E S C R I P T I O

MVsa refer, quo Sismundi spectare licebit
Hoste triumphato solennes ordine pompas,
Quiq; Duces bello capti, & quos Lechica pubes
Latifono clamore dabit per compita plausus.

Ostentare suum prisco si more triumphum
Rex cuperet, trabeatus equis veheretur ad vrbes
Lechiadum niueis, fasq; illi Caesaris esset,
Aut tua magnifico sumptu exæquare trophæa
Pompei; sed non victorem præmia tantum,
Quam virtus ornat decertatq; labores.

Ibit terrificus pictis exercitus alis
Inuictos animos, & inobruta corda timore
Quisq; gerens miles, præacuta cuspide contum
Eriget, ad pugnam ceu sucuit pergere Martis,
Æquata numero Regem hinc, atq; inde cohortes

E

Stipa

Stripabunt, multo argento phalerisq; nirentes,
Pulvere commoto totus densabitur àer,
Concutiet tremulus fylvas hinnitus equorum,
Martia festiuos geminabunt agmina plausus,
Victoremq; canent: quibus adde examine longo
Vincula captinâ Moschos ceruice ferentes.


Ipse inter primos præstanti corpore Scînus,
Et Corsacus erunt, spectacula grata Polonis,
Ambo Palatini, defensoresq; Smolensci,
Defigent in humo tristes pro tempore vultus,
Et primæ sortis memores suspiria ducent.
His Galicinus adhuc oculis hostilibus ardens
Iungetur, technis fabricandis alter Vlysses.
Plurima Boiarûm Mosquæ quem turba sequetur.
Nec vos transierim Suiscij germana propago,
Ambobus Tyrio fulgebunt murice vestes,
At mortis formido genas pallefcere vtrasq;
Efficiet: non hoc quondam dum bella cieres
Conspiciendus eras vultu atrocissime Suiski,
Tantum extiteras qui dux & causa malorum,
Et nunc si ad patrios fines tibi quâ arte liceret

EMBLEMATA

I

VNITA VIRTVS FORTIOR

Mira patent. aquilæ non absq; cruore feroces
• Inter se gemino prælia Marte cient,
At quamuis habeat duplex rostrum, vna caputq;
Queis terret potius quàm nocitura valet;
Victa tamen miserè pedibus laceratur aduncis
Moschias à niuea nempe volucris ani.
Nil agere in binos Alcides dicitur ipse,
Hic vnum ex bino robore robur ouat.
Quod si vera refert, statq; hæc sententia vulgi:
Iam minor Alcides hac aue semper erit.
Nempe solet modicùm hosti vis diuisa nocere,
Multa regitq; duplex non benè membra caput.
Vtere qua volucris gaudet Rex sorte, per amplum
Nam tibi Marte æquo subditur imperium.



II

STAT VT CADANT HOSTES

Fatidicus quod per somnum spectauit Ioseph,
 Exhibuit prorsus Rex tibi clara dies.
 Procubuere tuos Moschum, Sismunde, manipli
 Ante pedes, secta vt gramina falce cadunt.
 At tuus (insolita quamuis Mars ferueat ira)
 Fasciculus, solido statq; nitetq; loco.
 Hunc neq; liuor edax populi, neq; fracta potestas
 Moschorum potis est vsq; mouere loco.
 Iam proprium quocunq; placet Rex ferto maniplum,
 Hostili primas cum tenet ille solo.





M
C
N
A
N
C
P

V.

NEMO ANTE SIGISMUNDVM
TERTIVM COLLIGAVIT.

Quis credat? Sismunde ducem'quem nemo ligavit,
Tu vinclis tentum Moschice victor habes?

Non ea Pellæo iuueni fors contigit olim,
Arsacidum fixit quando trophæa solo.

Ægyptum licet Augustus deuicerat armis
Primus, non tantum rettulit inde decus.

Nempe ferox subterfugit Cleopatra catenas,
Cum sibi præsentem vidit adesse necem.

Quantumuis nollent, vitasse (nefanda propago)
Non pedicas Suiscij Rex potuere tuas.

Compedibus vincti Seinus, Corsacus, & astu
Præpollens Galicin, Boiarij q; gemunt,

Pars alijs laudum, tibi, Rex Sismunde, subactis
Hostibus, at superum munere tota venit,

(***)



VI
CÆSORVM SPOLIA VI-
CTORIS DECORA.

Quid tres miraris decisis vndiq; ramis
Quercus? quid clypeos armaq; fixa stupes?
Symbola regalis sunt hæc insignia laudis,
Inde decus regni Lechia nosce tui.
Corporibus detracta vides spolia ampla virorum,
Quos gelidis præceps alluit Ister aquis.
Tela Niderlandi, Moschiq; his pendula truncis
Sismundi Regis fortia sceptrâ canent.
Illum nîl contra multæ valuere virorum
Myriades, quasuis robore fregit opes,
Sismundum bello dêinceps quicunq; lacesset,
Tali pendeant illius arma tholo.

(**)



THE
S
C
N
C
N
H
D

VII

MOSCHORVM FREGIT REGIS CONSTANTIA VIRES

Siccinē Lechiaci fuerat mens visa Monarchæ
 Mobilior vento perfide Mosche tibi?
 Quando animo fractum post tædia longa putaras,
 Versurum ad patrios Martia signa lares.
 Non vinci docuit Regem Pædia labore,
 Æquanimis cunctis perstat & ille malis.
 Quis iam miretur lustris Agamemno duobus,
 Quòd bello Troiæ Pergama pressit atrox?
 Nec Lærtiadę mihi sic constantia Vlyssis;
 Ceu tua in aduersis Rex Polemarchę placet.
 Hac vici sti hostem quiduis perferre paratum,
 Dum tibi Moschiacas tradere nollit opes.
 Discite Sismundum nunquam contemnere Regem
 Hostes, serò quidem at fortiter ille ferit.






VIII

VIRTVTIS COMES GLORIA

Cui fortuna dedit victis ex hostibus ingens
Victori ad patriæ tecta referre decus;
Magnificum duxit Tarpeia in templa triumphum,
In medio niueis agmine vectus equis.
Ante triumphales lectissimus ordo quadrigas
Ibat victorum plebe stupente Ducum.
Horribiles sonuere tubæ, fremitusq; per urbem;
Famaq; victorem sydera ad vsq; tulit.
Et tu laurigerum potes instaurare triumphum,
Hostili victor cum ditione redis.
Materies laudis non dæst, & copia pompæ,
Qui præeant currum, quiq; sequantur erunt.
Quod si spreueris hæc, vastum tamen ipsa per orbem,
Parta tibi Moschis, fama, trophæa feret.



EPIGRAMMATA.

I PLVS ALIIS

A primo repetas si rerum exordia Lecho,
Qui dux, atq; suæ gentis origo fuit.
Inuenies nullum, cui plura insignia virtus,
Cuiq; dedit locuples munera plura Deus.
Siue Boleslaos memores, duo fulmina belli;
Submisit quorum Dacia colla iugo,
Seu Iagellonem, cui vincere Teuthonas armis
Cælitus infesto non sine Marte datum est.
Plura Sigismundo laudis fortuna parauit,
Maxima cum proprii symbola honoris habet.
Principe Moschorum capto, victoq; Smolensco,
Regibus annon plus præstitit ille alijs?

II CVNCTANDO RESTI- TVIT REM.

IN diuersa rapit citò quos temerarius ardor,
Hos nocuo insequitur fors mala sæpe pede.
Præcipiti cæcus dum tentat bella furore
Romulidûm Varro causa fit exitij.
Cunctator Fabius cautis quia militat armis,
Vinci illi nunquam, vincere sæpe datum est.
Quod longâ pressit Rex obsidione Smolenscum,
Alea quid censes quàm aspera Martis erat?
Centenis Moschus propè quæ retinebat ab annis,
Binas intra hyemes, vi repetita tener.
Parra labore leui pereunt citò, magnus adempta
Vt rucare diu, dat tibi Leche labor.

III

AD VSQVE METAS

Non sat mille fuit Troiam oppugnare carinis,
Et dubio claros sternere Marte viros:
Ni traheret varium duo per quinquennia bellum,
Et tandem optatas victor haberet opes.

Nun-

Nunquam contentus bello fit Marspiter vno,
Plus (vt aquas hydrops) sanguinis ille fitit.
Quàm tibi succubuit Rex victa Smolenscia Marte,
Diffundi multus debuit ante cruor.
Cymbrica sic Mario, sic & Pharsalis Iulo,
Actiaca Augusto sic quoq; palma data est.
Num tot pæniteat Rex te exantlasse labores?
Cum foelix operis iam tibi finis adest.

IV

ANNVIT VOTIS DEVS.

SÆcula felicem quàm te genuere Monarcham,
Exuperant nostros cum tua facta animos.
Principe te miles pergit quocunq; Polonus;
E votis cedunt prospera cuncta suis.
Hostilem fausto tetigisti vix pede terram,
Mox cecidit telis plurima turba tuis.
Non tua sustinuit Scînus, nec Suiscius arma,
Nonq; peregrino milite mista cohors.

Regia

Regia Moschiadûm Vulcani est tradita flammis,
Venit in authores fraudq; reuerſa ſuos.
Annuir ipſe tuis Superûm Rex deniq; votis,
Armis cum tandem eſt victa Smolenſca tuis.
Næ Siſmunde fauet tibi ſemper numen amicum,
Non fruſtra Superos in tua vota vocas.

V
NVL LA DECOLOR MA
C V L A.

MArte Boeſſao populosa Kiouia ceſſit,
Audax qui Latio nomine dictus erat.
Protulit hic fines patriæ victricibus armis,
Abſtulit at penitus, quod fuit ante, decus.
Præſule ſublato deuota eſt Lechia diris,
Perdiderat regni tunc diadema ſui.
At meliora licet de te ſperare, ſecundis
Proſpera dum Zephyris, Rex tibi, cuncta fluunt.
Hoc tua promittit pietas, moresq; probati,
Hoc Pædia bonis cognita Lechiadis.

H

Deſine

Desine facta pij liuor proscindere Regis,
In patriæ cedunt omnia namq; bonum.

VI
NULLI SECVNDVS

Suspicias Heroas regali sanguine claros;
Marte sat excellens Rex Bathoræus erat,
Parta stupent Lechi, Crinousti ex hoste trophæa,
Et Iagellonis fortia facta probant.
Qui Dacos, Valachosq; armis domuere feroces,
Hos pia posteritas laude sub astra vehit.
Æmula virtutis Sismundum ornat Iouis ales,
Tutari didicit, quæ data Sparta sibi est,
Degener haudquaquam, vitam pro laude pacisci
Non timet, intrepidi pectus Achillis habet.
Inuide non credis? Mochouia victa fatetur,
Æmathio Regi iam fateare parem.

VII
IN VTRVMQVE PARATVS

Pacifera

Paciferæ ramum si victa Smolenscia oliuæ
Optasset, bello quàm sibi iura dari.
Parcere Rex Moschis poteras sine Marte subactis,
Non sequire tibi, vincere mens at erat.
Ultima cum mauult belli expectare pericla,
Gens malesana suum iam videt exitium.
Nimirum optime Rex fueras in vtrumq; paratus,
Et belli, & pacis, cum tibi iura forent.

VIII SVpra SPEM ET VOTA.

Viribus humanis quod erat superabile nunquam,
Virtuti celsit Rex genere tue.
Thermodoontæus quicquid submiserat Ister,
Quicquid & indomiti Marte Boristhenidæ:
Exiguo victor superasti milite, captis
Quippe tuis nunquam defuit ipse Deus.
Lechiaco hostiles fractas liquet ense sarissas,
Vinci ignara licet vis inimica foret.

H 2

Euerfa

Euersæ infidis tibi Rex cum ciuibus vrbes,
Serò tuo immitunt iam sua colla iugo.
Et quod præsidium magni fuit ante Ducatus,
Hoc repetitum armis (quod stupet orbis) habes.
Regia quin Moschûm cum principe diuite gazis,
Rex Sismunde, tuâ sub ditione gemit.
Sarmatis est solitò cur lætior ora triumphes,
Quando tibi supra spem meliora fluunt.

IX
VIRTVTIS ET HONORVM
CVRSVS ÆQVAT.

O multùm, Sismunde, togâ, perpeffus & armis,
Quàm variæ sorti Rex tua scepra patent.
Tristia cum lætis expertus ferre, serenos
Ducebas vnquam vix sine nube dies.
Ardua res virtus, per inhospita tendir, amænum
Nec regalis habet purpura, semper iter.
Nempe tibi Deus insignes promittit honores,
Cum te tot duris obijcit vsq; malis.

Æternen

Aeternent Superi tua gaudia, maxime victor,
Nec funestus atrox regia sceptrum dolor.

X
PRO TE IPSO DEVS PRÆLIA
GERIT.

Tanta peregristi paruo, Rex, tempore, quanta
Non quisquam credo prestitit ante Ducum,
Inferias modico misisti milite ad Orcum
Multas, sic rubris mersa natabat aquis.
Non furor hostilis fregit tua robora, quamvis
Non semel audaci stringeret arma manu.
Dextera nam Superum hos peperit tibi magne trium-
Rex, à Lechiadum parte stat ipse Deus. (phos
Agmina te contra cessent hostilia vires
Iungere, sic fulto vis tibi nulla nocet.

XI
VENISTI, VIDISTI, VICISTI,
Ante

Ante Syracusiam Marcellus quàm capit urbem,
Non modicum vincendâ arte laboris habet.
Ars cum vi certat, rumpit tandem arête muros,
Hostilesq; intrat non sine strage domos.
Quas infesto adiit Marte arces, Cæsar Iulus;
Mox æquata fuit robore quæq; solo.
Nec tibi sat, Sismunde, fuit vidisse Smolenscum,
Et quater ignitis mania vasta globis.
Vi superasti vim, constantia regia fregit
Hostes. quid possis robore, serò sciunt.

XII.
ET PIETATE ET ARMIS
PRIOR.

SI repetam bella, & partos te Rege triumphos,
Par Chabrio aut Princeps inclyte maior eris.
Turcarum terror, se victum Marte Michailus,
Prædonumq; ferox, dux Naleuaico gemit.
Quis memoret Valachos, Hunnos, Turcasq;, Scy-
Et Moldaua simul, quos alit ora, viros. (thasq;
Quid

Quid valeas armis agnoscit Moschica tellus,
Atque Niderlandum vi superata phalanx.
Nec minor es magnis, ô Rex, pietate Dynastis,
Hac in re primum dat tibi quisq; locum.
Foelix qui Martem cum religione iugasti,
Nam tibi cæligenæ Marte togaq; fauent,

XIII
NULLIS SVCCVMBIT
PROCELLIS.

I Am varios inter plus lustris quatuor hæres
Fluctus, & tumidas, regia naus, aquas.
Quot monstra, & Syrtes, Erebiq; latentia saxa
Vitasti, placidi numine tuta Dei.
Non Scyllæ rabies, non hærescosq; Charybdis,
Ad proprium traxit carbasa fluxa chaos.
Nempe tuâ puppi vigil est naucerus in altâ,
Cælituum faustis cui fauet aura Notis.
O fortunatam tanto rectore carinam,
Incolumes nautâ hoc, Lechia, habebis opes.

Et

XIV
CRESCIT IN IMMENSVM

EST Pharijs fœcunda seges quæ prouenitaruis,
Quamq; ferunt Siculi pingua culca soli.
Suspice regalem, generose Polone, maniplum,
Quam longè segetem hanc fertilitate preit.
Nonne vides quantos fudit sementis aceruos,
Postquam Lechiacis crescere cepit agris?
Moschica quin etiam simul est delatus in arua;
Mox decuplum patriæ potulit inde bonum.
Quot vicibusq; suum complet Titanius orbem,
Augetur domini, non sine laude, sui.
Si Lechi iste diu crescat tellure maniplus,
Europæ fruges, horrea non capient,

XV
NON FRVSTRA SISMVNDI
NOMEN HABET.

QVod primo Sismundo astu Basilius ademit,
Tertius amissum restituit patriæ.

Quæ fors? aduerso sic quondam Scipio Marte,
Primus in Hannibalem sumpserat arma ferum.
Exin Romulidûm vires infringere Pænus
Ausus, cum letho corpora multa dedit.
Scipio quem tandem Latio deterruit alter;
Et rursus caput tollere Roma caput.
Fac laudi insistas victor Sismunde priorum,
Cum tibi tam felix numine Sparta data est.
Prælia Sismundus cum Moschis primus iniuit;
Tu bellum oprato claudere fine stude,
Perge age continger Moschis quod Agenoris vrbi,
Arctooq; orbi, Scipiade instar eris.

ODE I Tricolos Tetraastrophos.

I Nnieste regni Lechiaci decus,
Sismunde, victis hostibus, alite
Fausto, nouus victor, relictos
Ad Patriæ remeas penates.

Sat temperatam rebus in arduis
Mentem referuas, satq; perhorridæ
Rhamnufidos temone pōstus
Ancipiti, pateris procellas.
Repugnat hostis, resq; secus fluunt,
Quām vota poscunt feruida militum,
Audentior contra sinistra
Stas Nemesis rabidum furorem.
Non mæsta fractus rædia concipis,
Sed omne suffers pondus, Atlanticâ
Ceruice: nec pressus malorum
Mole viam Superum relinquis.
Haud semper agros manat in hispidos
Effusus imber, nec Boreas furens
Menses per omnes vexat vdis
Flaminibus pelagi carinas:
At versiformes induit aurea
Dictynna vultus, postq; Aquilonios
Brumæ rigores, lenè spirans
Floriferi aura subit Fauoni.

Quid

Quid? ductor olim Dardanidûm pius.
 An fluctuosis expositus Notis
 Promissa quærebat Latini
 Regna super monitis Decorum
 Præfixa lustra? an Graiugenûm ferox
 Non bis peractis quinq; sub Illo
 Annis manus, tandem refertur
 Hectoreas domuisse turmas?
 Sic arduæ itur sub penetralia
 Virtutis, ô quàm dulces pericula
 Passum esse quondam, quamq; casus
 Commeminiſſe iuvat quiete.
 Rex magne, gentis præsidium tuæ,
 Extende famam regna per omnia.
 Te Dacus atrox, te Genauni,
 Et rigidi celebrent Triones.
 Sublimia alto sydera vertice
 Victor triumphans iam ferias licet,
 Cum digna suscepto labore
 Præmia habes patrijs in' oris

Te clariorem Lechica curia
Regem salutat, te reducem viri
Matresq; gaudent, teque Moschus,
Sepositis veneratur armis.

ODE II.

EMersit simulac patria fluctibus,
Qvos in non dubiam perniciem sui
Voluebat (furijs bilem acuentibus)
Discors factio ciuium:
Mox, Sismunde, viroꝝ æmula fortium
Te virtus stimulis excitat acribus,
Vt primæ referas, & cumules nouæ
Victor præmia gloriæ.
Ibas horrissoni turbinis in modum,
Quò laudis studium, quò patriæ bonum,
Et quò Martis amor traxerat, hostibus
Te Rex cedere nescium:
Necquicquam niuium stridulus agmina

Effun,

Effundens Boreas præpedijt viam,
Necquicquam gelidis prælia credidit
Moschus frigoribus potens.
Exemplò timuit, sequè Smolenscijs
Diffidens animo, turribus abdidit,
Nec stantem proprio sustinuit solo
Hostis pellerè militem.
Hic primùm indomitis Lechiadùm bonam
Spem turmis facis, & concutere incipis
Murali intrepidus mœnia machinâ,
Agmen ductor agens virum.
Vt Tigris, sobolem cum celeripede
Pastor Carpathium trans mare detulit,
Aut in præcipitis culmina Caucaſi
Natio abripuit specu;
In partes varias lumina conijcit,
Vno nec potis est stare diu loco:
Sic perumpere, Rex, dum cupis hostium,
Muros sollicitus manes.
Quamuis turbineo lethifer impetu,

Pas.

Passim fulmineos imber agat globos,
Præsentemq; viris omnia fortibus

Intentent penitus necem.

Iam quassata tuis sæpe Smolenscia
Tormentis, valido cinctaq; milite,
Exæquata solo, serò tuæ videt

Virtuti nihil inuium.

Nunc quisquis socios, quisquis & externa
Sublatam memoras progeniem nece,
Tristes tuq; prior Rex hilari decet

Mutæ lætitiæ genas.

Latum nunc lituis pangere classicum;
Et vincere nouis tempora floribus,
Ignitosq; iuuat vertere in optimum

Vsum lætitiæ globos.

Iam tutus Litauus rura perambulet,
Et plenam viduo det Cererem solo,
Nec sub Moschiacis quærere pascua

Armento metuat iugis.

At qui Sarmaticis inuigilas bonis,

Et

Et misces varijs commoda gaudijs,
Non vllá meritum prorsus ob hoc die
 Nostris sensibus excides.

Quin dum se tulerit fortè potentium
Inter belligeros fama vitos Ducum
Laudi perpetuam Rex tua maxime
 Virtus materiam dabit.

ODE III

QVæ plectra, quæ vox, quod litui genus,
Tot gloriosis nobilem honoribus,
 Victor, tuum sublimiores
 Per titulos celebrent triumphum?

Quacunq; vasto circuitu Istulæ
Præpingue Lechi perluitur solum,
 Quacunq; diffundit strepentes
 Vilia proflus amnis vndas.

Gestire magnis pectora gaudijs,
Efferre cunctos lætitiæ noua

Cer-

Cerno colonos symbola, omnis
Exulat, æde animoq; mæror.
Spargente Phœbo cœu' rutilum iubar,
Noctis tenebræ diffugiunt leues;
Antiqua sic victore cessant
Tristitiæ redeunte signa.
Duris vt arbor tonsa bipennibus
Per multa Princeps vecte pericula,
Tandem biennali labore
Præmia digna refers Polonis.
Adempta regno quæ fuerant tuo;
Fauente rursus numine possides,
Tibiq; rarâ sorte magni
Imperij datur amplitudo.
Virtus honores dat meritos tuis
Sismunde factis, hæc superis parem
Te reddet olim, cum per omnes
Rex, tua laus volitabit oras,
Faxit corusci syderis arbiter,
Vt Marte felix, atq; togâ potens

Rem.

Rempubicam Princeps gubernes.
Hoc patriæ atq; tibi precamur.

ODE IV

LVx festa tandem fulsit in Lechi solo,
Cum prorogatos reddis aspectus tui
Sismunde Rex, auctus nouis honoribus.
Audisnè plausus vasta quos per compita
Tripudians plebs edit? hand sic patria
Cupit intueri tecta versus Caucaſi
Montes obeirans natus orbarus patre;
In hostium moras trahentem finibus,
Ceu postulabat orbare Polonia.
Iam cum triumphans hostibus victis ades;
Reſerare magnum gaudij æquor incipis.
Noua rebus eſt facies, nouumq; Lechiæ
Decus additur. Pyropo vt inſerto aureus
Nitet annulus; tantùm tua ex præſentia
Splendoris accepit, rogâ & bello potens

K

Sismun-

Sismunde victor. non trophæis Scipio
Claratus Africæ, nec armis inclytus
Domitor Iugurthæ Roma sic tuos lares
Decorauit : vt regni penates Lechici
Rex magne adornas, viue, splendesce, impera,
Victrixq; linoris superstet Entheum
Æuum potestas Regia.

ODE V.

Æmulatrices date plectra Musæ,
Splendido victor celebris couino
Iam Sigismundus subit alta Princeps
Mænia Craci.

Ite qua gressus feret, ite prompti,
Obuiam ciues, redimite lauro
Tempora, & notos reducem ad penates
Ducite Regem.

Magnus in Lechi redit hospes oras,
Moschicis tandem spolijs onustus,

Post

Post biennales tibi quæ parauit
Sarmata curas.

Scylla te, aut Tigris genuit Polone,
Si triumphato super hoste Moscho,
Gaudij in tanto noua signa plausu
Promere cessas.

Promptior quin tu canere acta Regum
Phæbe, cui subsunt Heliconis vnda,
Huc nouem deduc viridante Pindi
Vertice Musas.

Regis inuicti super astra laudes
Effer, ad metrum numeris reductis,
Siue facundæ potiùs soluto
Flumine linguæ.

Viuat Heroum populos regentum
Maximus Princeps, pietatis author,
Criminum vindex, patriæ ampliator,
Hæresis hostis.

Quin Ladislaus generosa Regum
Viuat & proles, patris æmuletur

Facta Sifmundi, stet ut ille regno
Murus ahenus.

Viuat ô viuat, diu uterq; regno
Lechico sospes, Charitum voluptas,
Quo Chelym Craci redeunte ad urbem
Pulsat Apollo.

ELOGIVM I. AMPLIATORI REGNI

REgnum qui sibi patrijs paratum,
Armis, strenuè ab hostibus tuerur,
Grati symbola pectoris perennes
Hic à ciue suo refert colossos,
Quos & prole repullulans nepotû
Latè posteritas, & à remotâ
Miretur peregrinus hospes urbe.
Tantum est huic decoris probè relictas
Dum custodit opes, quid irruentem

Si

Si bello superet cruentus hostem?
Adiectisq; suum ampliet per arma
Regnis imperium? sacris profectò
(Qua magnus patet æther, & coruscis
Sol altus radijs oberrat orbem)
Fertur semper honoribus, locumq;
Phæbo proximum habens præaltus astris
Ingentes supereminet colossos.
Hactulaude nites, Smolensciano
Cum Sismunde potitus es Ducatu.
Iam nunc Lechiacæ vocaris ingens
Propulsator, & ampliator oræ.
Te septem celebrant nouum Triones
Victorem, Hesperijq; cultor orbis,
Et qui multiplici vado tumentem
Circumdat Tanaim, & prior renati
Qui Solis rubeum tueretur axem.
Sed quamuis celeberrimus reluces
Mundi quaq; plaga, minora spargit
Gestis fama tamen tuis, graui nam

Re-

Rerum deficit illa victa mole,

ELOGIVM II. PATRIÆ VINDICI.

Non odium gentis, nec regni dira cupido,
Moschiaci, te Rex, traxit in arua soli.
Damna cruorq; insons olimq; Smolenscia adempta,
Principium tantæ causaq; litis erant.
Nec linquenda fuit Legati iniuria læsi,
Inq; prophanato dedecus hospitio.
Sic Ammonitæ, sic quondam Ephiræa Corinthus,
Ob scelus hoc pænas, Marte furente, luit.
Quod Rex cunq; facis laudem sibi vindicat omnē,
Cunctaq; magnificum capta merentur epos.
Vindicis ergo tibi meritum dat patria nomen,
Nam tibi vindictam credidit illa suam.

ELO.

ELOGIVM III.

MOSCHOVIAE DOMI TORI.

SÆpe triumphatæ nomen victoribus vrbes
Concessere suum, quò maior gloria totum
Factorum impleret mundum, populiq; per ora
Serperet ingenti latè splendore, nec vllis
Desineret tolli celebris super æthera seclis.
Venerat in Cretam bello certare Metellus,
Creticus inde redit. subiecta Britannia Druso
Quæsitum antiquo imposuit pro nomine nomen.
Sed quora pars erit hæc laudum? si fortè triumphi
Spectentur Sismunde tui? quantum insula vastis
Moschiadûm terris, veterum tibi gloria tantum
Cedit quæq; Ducum, iam Sismunde vltima Bactra
Oceaniq; tuis implentur littora factis,
Et quod Hyperboreo damnatas frigore terras

Victor

Victor transieris, tumidosq; repelleris hostes:
Solut honore nouo, solus celebrabere donis.
Hanc tibi si laudem quisquam Sismunde negabit
Inuidus: ipsa tuum fama loquetur opus.

ELOGIVM IV. IN INIURIARVM CONDONA- TORI.


Tanta tuos Princeps ornat clementia fasces;
Vt videare ipso mitior Amramide.
Isaïden nisi se fœdasset sanguine Vriæ;
Hac tibi censerem laude fuisse parem.
Parcere deuictis, nec fontibus est tibi cordi
(Si tua res agitur) sumere supplicium.
Sæpe sciens surdâ conuicia præteris aure,
Et quicquid passim lingua proterua vomit.
Hostes cum superes, te vincere niteris, à te
Arctoo inuictum ne quid in orbe foret.

Tales

Tales ô vtinam regnent tibi Lechia Reges,
Res nunquam verget publica in exitium.

ELOGIVM V.
RELIGIONIS PROTE-
CTORI.

MVltum religio Princeps tibi debet auita,
Pristinus hoc regno cui reuirescit honor.
Non iam perfidiæ erumpunt è sedibus Orci
Monstra, nec Hæreseos serpit vt ante lues.
Sæcula Micæslai redeunt, cum pulsa recurrit
Religio, & sacrum tollit in astra caput.
Iam toga Marsq; tibi donarunt nomina, nomen
Quod pietas offert Rex quoq; sume, pij.



L

ELOGI-

ELOGIVM VI. SPLENDORI POLONIAE.

SI quando exoritur non visum sydus Olympo;
Quisq; nouum æthereo suspicit axe inbar.
Hinc licet instantes fatorum noscere leges,
Hinc dubias tacitâ voluere mente vices.
Insolito Lechos perstringis lumine Princeps,
Dum celebris gelido victor ab orbe redis.
Ergo te populus stupet, & prospectat euntem,
Miraturq; nouum in te redeunte decus.
Quin gens Christiadûm tantos quod viceris hostes,
Plus nitet, & spondet maxima quæq; sibi.
Intentet quascunq; ferox hostis velit vmbra,
Claros te ducet Lechia Rege dies.

ANA.

ANAGRAMMATA. SIGISMVNDVS TERTIVS.

Anagrammatismus.

R VIT, EST DIGNVS MVSIS.

Ardor dum raperet belli in discrimina Regem,
Armaq; pro patria iusta iuberet amor.
Mars ipse accinxit chalybem, quem incude policum,
Fuluo informavit Lemnius ere faber.
Egyda donavit crudam Tritonia Pallas,
Et thorace latus munijt erifono.
Quid facient Muse, quæis sunt laticesq; , lyraq;
Cordi? quasq; iuuat pectine ludere epos?
Quid præses vatum Phæbus post prælia Martis,
Qui solet ad faciles tendere plectra modos?
Dardanij pugnam reculit Mæro carmine Regis,
Claruit & virtus hinc tua Turne potens.
Mæonius Danaum vates celebravit Achillem;
Vt ruit à summo culmine Troia vetus.
Ecce R VIT conuulsa Smolenscia sedibus imis,
EST DIGNVS MVSIS, cûi ea palma data est.

SIGISMVNDVS TERTIVS

Anagrammatismus.

SED IT SVRSVM VT IGNIS.

L Vbrica fors belli est, medio in certamine Mauors
Deprimit hos, illos erigit astra super.
Et quibus ingentes animos victoria fecit,
Sape omnes victis spes tulit vna dies.
Thessalus ad naues conuersis agmina signis
Egerat o quoties, Hectoris arma timens.
Hector ac inferior Pelidae robore clari,
Post fera Graiugenum funera ludus erat.
Successu Hannibalis Carthago lata parabat
Iusta prope edomitis soluere Romulidis.
At bello melior deuicit Scipio Panos,
Sic redijt Latio, quod fuit ante, decus.
Scilicet instabilis sunt haec ludibria sortis,
Expositos fortes cui liquet esse Duces.
Sed nihil offenso Sismundo, iura Quirinus
Constanti semper Mars colit. aqua, fide.
Nimirum illius caeli felicitat arma
Arbiter, in bello cui pia causa placet.
Quid mirum Nemese quod non succumbat acerba
Ille? SED IT SVRSVM suenit VT IGNIS edax.

SIGI.

SIGISMVNDVSTER TIVS

Anagrammatismus.

STVDIIS GENTIS MVRVS

E Loquar an fileam? te contra Sarmata fortis
Vis glomerata ruit.

Hinc Gabriel Orientis opes in praelia secum,
Pannoniosq; trahit.

Inde pharetratus Scythæ rumpere fœdera tentat
Lechiæ in exitium,

Quid gelidi voluant, non constat mente Triones,
Corda sat aspera habent.

Barbarus ut fidei est nullius, sic malè pacis
Aurea iura colit.

Fidit adhuc Sueo nauibus, æreque praelia multo
Quin reparare potest.

Tu quoque in hostiles spumantem admittere iurmas
Sarmata gnarus equum:

Armapara, victos toties letho dabis hostes,
Quæ tibi fata struunt.

Calicula causæ meliori namq; fauebunt,
Vindice Rege tuo.

Hic STVDIIS GENTIS, Princeps votisq; Polonæ,
MVRVS erit Patria:

SIGISMVN-

SIGISMUNDVS TERTIVS
DEI GRATIA REX POLONIAE

Anagrammatismus.
VERVS DIES REDIIT PAX GENTI
VM SISNOTA GLORIA.

D Annanda tenebris illa nocte perennibus,
Dum Moschus insolesceret.
Nec faceret assis Sarmatae fortis minas,
Lituosq; & arma bellica.
Cum strueret insuper dolos, latentius
Simulata fœdera obregens.
At verus hostis patuit, impetum in tuos
Dum fecit ô Rex milites,
Et iam Polona ceperant languescere
Vires, biennali mora.
Cum præter omnium Quirinus spem pater,
A partibus Regis stetit.
Erepta Moschis est Smolenscia, ignibus
Perière opes Moschouia.
Hostis ter iniecto lupato fronte humum sua
Pronus ferire debuit.

PAX GENTIVM VERVS REDIIT en DIES,
SISNOTA cunctis GLORIA.

SIGI-

40

SIGISMUNDVS TERTIVS
REX POLONIAE ET SVE-
CIAE.

Anagrammatismus.

PRESSI DEXTRA GENTES VIO-
LANTES CIVIVM IVS, EO.

A Emathius laudis nimio Dux feruidus aestu,
Marce lacessiuit plurima regna fero.
Iuratus Latij contra fas Hannibal hostis,
Romulidum ingentes attenuavit opes.
Septenam Marius trabeam dum Consul anhelat;
Dat multas Orco ex ciuibus inferias.
Non, Sismunde, tibi laudis vesana cupido
Vincendi Moschos, causa sed aqua fuit.
Iustitiae es cultor, macula nec decolor vlla,
Et cunctis de te dicere iure potes.

Qui PRESSI GENTES VIOLANTES CIVIVM inique
IVS DEXTRA, ad patriam nunc E.O victor euans.

SIGI.

SIGISMVND O III.
DEI GRATIA

POLONIÆ ET SVECIAE
REGI. MAGNO LITHV A.

NIÆ DVCI &c. &c. &c.

Expugnatori arcium, Domito-
ri Moschouix, Victori ex ho-
stibus triumphanti.

LECHIA COMPOS VO-
TI FACTA.

Moturus aduersum feroces prælum
Sismunde Rex Moschos, pedem
E Lechici vix finibus tuleras tua
Felicitantibus viam

Diuis

Diuis Patria; dum aspectibus tuis carens
Mærore tristi squallida,
Velata faciem, duxit imo è pectore
Suspiria, & lachrymis sonos
Mater remissos ut solet natis luc,
Belluè stratis turbine.
Non morte sic Ceicis indoluit graui
Dolore coniux saucia;
Nec tantus instat nauitis trepidis timor,
Dum sæuit iratum mare;
Attrâq; nubè turbo subtrahit polum,
Miscentq; prælium Noti.
Quoties Tonantis supplici aras poplite,
Perfusa triuit imbribus.
O magne dixitq; arbiter rerum, tui
Cohibe furoris fulmina.
Propiusq; res tuere nostras, si meum
Quid tibi placuit vnquam, pia
Nisi eram, per aras ponerem dum munera
Frustra vocando calites.

M

In

In vota, summe regijs Deum pater
Conatibus dona exitus
Latos, per hostiles agat, ferrum horridus
Turmas, paucat hostis fugax,
Non caeca regnorum ambitio, non impotens
Traxit cupido, aut iniquus
Furor, amor at patriæ suum armauit Ducem,
Deditq; Martis spicula,
Iusta exigas tua lance bella Sarmata,
Factaq; fera Moschonia.
Ecquando vox sonabit illa Victor ite
Sismundus hoste perditio?
Trophæa quando læta miles inferet
Templis Polonus hostium?
Inflata reddet quando murmur buccina
Latos triumphos acciens?
Grandiaq; terrifico tonabunt fulmine
Tormenta cum pilas voment?
Faxis supreme rector orsa sic mei
Animosa Regis prospera.

Sed

Sed ecce, quid cerno? fefellit an meam
Caligo mentem turbida?
An fors moræ impatiens amor? demptis redux
Spolijs onustus hostium
Redijt Monarcha, præse agens Moschos truces,
Defixa specto lumina
Humo Ducum, quos vafra non seruauit ars,
Nec artium munitio.
Valere luctus, fugiat è pectore pavor,
Abscedat omnis & dolor.
Lætas agam sine nube luces, audiar,
Iam prima gentium omnium.
Quacunq; Titan lucidam exerit facem,
Victrix ferat Polonia
Vltraq; metas Solis, vbi situ horrido
Tellus silentum manibus
Vmbriq; colitur, audient tantam hostium
Cladem orbis omnes incolæ.
Prò quanta seges est gaudij quàm regia
Laudisq; materia ferax

Quà culca Nilus arua, quà Ganges rigat,
Arabsq;, Tuscus, Belgaq;,
Thentoq;, & Indus prædicabit me Cilix,
O viue noster Hercules.

MOSCHOVIAE DE
SVORVM DVCVM CRVDE-
LITATE.

Expostulatio.

Tempora funerea mihi sunt cingenda cupresso,
Cum tristi proprios mente reuoluo Duces.
Tu quoq; sacrorum mater veneranda meorum
Græcia, diffusis fle mea fata comis.
Quæq; bibunt Tanaim gentes, quibus inclyta Volga
Flumina dant sicco terga premenda pede.
Vna ego perpetuo conflctor frigore quamuis;
In prædam pateo tot miseranda plagis.

Nam

Namq; pharetratus nostri in penetralia ferro
Ipse sibi regni fecerat ante viam.
Mosquanasq; exussit opes, dilapsa fauillas
Intenues abiit Regia tota prope.
Hæc quia ab hoste tuli, præ me (ceu parua) ferebam,
Intestina tamen me mala plus cruciant.
Non sic Tarquinius Romanam presserat urbem:
Quem vindex pepulit Brutus in exilium.
Hipparcho Basilius erat crudelior ipso,
Cuius & in natos sæuijt ira suos.
O si vitalem nunquam attraxisset Hodunus
Auram, mansissem libera ab interitu.
Nam postquam fasces, Basilij stirpe necatâ
Arripuit, patriam traxit in exitium.
Hinc bella, hinc cedes, hinc funera dira meorum,
Sic fatis defunt iam mala nulla meis.
Præstaret faciem regni inspectare nouatam,
Atq; nouis fasces tradere principibus.
Nec, Sismunde, tuum vltra iam detrecto Monarcha
Imperium, Regem te mihi dant Superi.

Aurea

Aurea te rerum florent Præside sæcla,
Surgeret & veræ religionis honos.
Perfidia genuina fides succederet, & Mars
Cederet è terris pace vigente meis.
Te mirata Ducem, e cælis Astræa rediret,
Inq; tuo sedem poneret ipsa solo.
Nec prisca extarent vsquam vestigia fraudis,
Disfugerentq; doli, concideretq; nefas.
Sarmata cum Moschis quin conspiraret in hostes
Quoslibet, inuictum robur vtriusq; foret.
Tanarijs non missa iugis sauiret Erynnis,
Poneret & mores horrida terra feros.
Sic sic omnipotens faxit tua capta secundet,
Non inuita tuo do mea colla iugo.
Nec nati poterunt tua spicula ferre rebelles,
Agnoscent Dominum teq; Borysthenida.
Thermiodontasq; bibunt quicunq; paludes,
Et quos vicinis alluit Ister aquis.
Frustra lethiferas acuis Cassane sagittas,
Frustra Astracani, gens, truculenta, furunt.

Pare-

Parebunt vel serò tuis, Sismunde, lupatis,
Nam quid non armis Rex superare potes?
Tu modo dexter ades, meliorum te vocat agmen,
Et quibus est cordi perdita pene salus.

ODE.

Tricolos Tetraastrophos.

QVæ pompa latis obuia se tibi
Fundit plateis? qui popularium
Cæus tuorum, quæ senatus
Vota super meritos honores?
Sismunde Regum maximè, qui tuâ
Virtute priscos, gloria & anteis
Reges, nec vllâ laude auitis
Tempora cedere nostra cogis.
Seu te cruentus pro patria impigrum
Mauors obarmat, murmure & exciet
Rauco æris insani, quicquid
Consilium toga siue poscit.

Nempe

Nempe ista plausus conciliat tibi,
Instructa belli pacis & artibus
Virtus, atrocem quæ furorem
Consilij moderatur aptis.
Hæc te volucris tollit in aëra
Pennâ altiore cæcis infimis,
Hæc vindicabit dente ab atro
Invidiæ vicibusq; sortis.
Viden virenti tempora laurea
Vt iam reuinxit? quam neq; frigora
Hyberna carpant, nec vetustas
Deteriore notâ coloret.
Iam nec requiret, quos sibi principes
Optet, valentes consilio, & manu
Polona tellus, victor ô Rex,
Freta tuis animis & armis.
Et iam, priores, (fulsit vbi tuus
Vultus) resumat viuida spiritus,
Spe faustitatis recreata,
Nec veterum meminit malorum.

Qua.

Quaq; ante cælos attigerat prope
Famâ, stupebit se super æthera
Tolli, & recenti laude rursum
Crescere, perq; vagum ire mundum.
Quacunq; ferro protulit imperi
Fines Polonus, nunc etiam super
Boristhenem captâ Smolenâ
Marte graui generosus arce.
Vix ipse quamuis cernit ab hostibus
Moschus teneri præsidio graui,
Credidit Smolenscum vi obtineri
Sarmatici potuisse Martis.
Strictusq; vinclis, & posito minor
Fastu, Polonum deterit impio
Collo iugum, victoris & se
Totus ad arbitrium refingit.
Quin ipse flexis vorticibus fluens
Cursu retorto refluus, & gemens
Boristhenes, famam Smolenæ
Deuehet Oceano ruinæ.

N

Riphæ,

Riphæa canis & niuibus iuga,
Densata flammæ aëre in algido,
Vidère Mosquanâ & fauillâ
In tenebras abiisse solem.
Et vos Casam, & quæ mare Caspium
Gentes tenetis, barbara nomina,
Circassi, & Astracan, tyrannos
Ferre iugum impositum videtis.
Sensit tyrannus, qui latebram sibi
Impar lacertis claustra per abdita
Quærens gerit sceptris, & altis
Imperijs animos minores.
Et iam triumpho Sarmatico parat
Crudos lacertos, collaq; turpia
Spectaculum non ante visum,
Climate Lechiaco futurus.
Nempe hæc Poloni gloria Regis est,
Seu Marte poscas, siue togâ magis,
Et esse maiorem secundis,
Et trepidis animo valentem.

Hoc

Hoc nil Triones septem animosius
Vident, nec orbis, quem celer alluit
Ister, vel Arctois serenat
Oceanus gelidus pruinis.

POLO니아 REGI SVO VOTVM

QVid meo Regi voueam secundi?
Perfidum postquam iuga ferre Moschum
Æmulâ virtute coegit, et se

Ferre minorem?

Qui ferox stulcis opibus, Triones
Iam spei prædam cupidæ parabat;
Ni Sigismundo Superi annuissent
Ritè triumphum.

An quod auratâ Salomon cruorem
Cernuus fundens paterâ precatuſ,
Et super regno nebulis opertuſ

Paucâ rogauit?

N 2

An

An quod ad tristes abiturus umbras
Liberis Iacob (sibi iusta solui
Dum cupit) concussam agitante mentem

Pneumate vouit?

Scilicet saeuas sua fræna gentes
Vt pati cogat, positoq; ferro
Optimus Lechos magis obsequentes

Rex sibi cernat.

Imperet terris, pelagoq; iura
Ponat, vt responsa petant polona
Barbari Reges, glaciale circum

Æquor agentes.

Quæ sub Arctoo plaga cruda celo
Alget, æstiuisq; caret Fauonîs,
Quam Scythes circum agmina sæua flectit,

Parcat vni.

Legibus ciues studeant auris,
Fimibus compressa suis libibo
Publicis cedat, violenta rebus

Iuraq; seruet.

Regium

Regium nomen reuerenter actis
Iurgijs clemens habeat Polonus.
Turpe, honorandum caput ipsa quando
Membra laceſſunt.

Lora Moſchorum metuant Tyranni,
Liberos inuictus amor decebit,
Inſtar eſt lechi quibus imperantũm
Sceptra pauere.

Nullius virtus cupida eſt, honores
Præter, & ſordes cauet obſoleti
Aëris, hæc ſoluis erit beatæ

Laudis auara,
Scilicet fulgorem eget inter auri,
Quisquis ingentes animos domare
Nescit, hic ſeruit ſua cui voluptas
Vincula neſtit.

Dij tibi partis ſapienter vti
Victor o Siſmunde dabunt trophæis.
Exiñ afflictuſ meliora Lechus
Sæcla videbit.

Ritè

Ritè sic Diuis pia plebs litabit,
Semper & stas operata sacris
Sancta mystarum pietas supernam
Leniet itam.

Litibus paucis rabies forensis
Perstrepet, nam pace simul sequestrâ
Iurgium ad limen dirimens amicus
Ponere coget.

Ibit armorum feritas in hostem,
Non sacros insana thoros libido
Polluet, non in tenuem potentis
Sæuiet ira.

At tibi faustos Deus addat annos,
Atq; honorato senio vigorem,
Cum tuis plebe auspicijs regenda
Genteq; Lechi.

DEDICATORIVM

HÆc tibi de viridi Musæ sua munera Pindo
Mittunt, Pyndaricâ, Rex celebrande, lyrâ.

Ipsc

48
Ipse verecundam fertis tibi cingit Appollo
Frontem, quæ dextrâ texuit ipse suâ,
Est mea Musa tuis fateor, virtutibus impar,
Moraq; Castalidûm pollice plectra leui:
Nec tacuisse tamen potui, dum publico plausu
Compita solenni, te veniente sonant.
Ne lateant, te Rex, animi in te symbola nostri,
His inclusa vides qualiacunq; meritis.
Accipe, nam voluisse sat est, si parua per æquor
Vela damus, studij hæc prouehet aura tui.



ERRATA SIC CORRIGE.

Folio A. columna 1. versu 14. lege difficillimum.

Fol. B. Col. 3. ver. 9. lege erant.

Fol. B. Col. 8. ver. 8. lege serica ephippia.

Fol. C. col. 2. ver. 8. lege transfixum stipite.

Fol. C. col. 2. ver. 9. lege vomens.

Fol. D. col. 5. in arcu triumphali, lege solisq.

Fol. D. col. 8. ver. 15. lege. trophæa

Fol. E. col. 3. ver. 10. lege phalanx causa.

Fol. E. col. 5. ver. 2. lege innoua.

Fol. H. col. 8. ver. 1. lege prouenit aruis.

Fol. M. col. 3. ver. 20. lege feraæ.

Fol. M. col. 8. ver. 10. lege ut iam


Fol. M. col. 8. ver. 13. lege iam nec


Fol. N. col. 2. ver. 5. lege Casani.

Fol. N. col. 4. ver. 18. lege lido

Fol. N. col. 5. ver. 11. lege solius.


Fol. N. col. 7. ver. 1. lege Apollo.






1927.2.474

新書





Biblioteka Jagiellońska



stdr0027691

